



Secunda domus significat substantiam, diuitias, lucrum, & uictum nati, su-
pellectilem, auxiliatores & ministros, &c.

Primus dominus triplicitatis domus substantiæ directus in suo Hays
& in alijs suis fortitudinibus, dat nato opes multas, & quanto plus proce-
det in ætate, tanto plus crescet bonum eius. Si contrarium dictorum inueneris, dic
contrarium.

Si fuerit secundus dominus triplicitatis fortunatus, receptus à planeta sibi con-
uenienti &c. natus lætabitur in suis operibus, & liberaliter distribuet omnibus ad-
hærentibus ei. Si in diuerso fuerit statu, dic contrarium.

Tertius dominus triplicitatis secundæ domus, si fortunatus fuerit &c. natus
erit fidelis, laudabitur ab omnibus propter beneficia sua, ueridicus erit, & legalis
emendo & uendendo. Si fuerit infortunatus &c. dic contrarium.

Pars fortunæ in domo fortunæ in forti loco, ab ascendente, si aspexerit eam do-
minus eius existens in exaltatione sua, uel domo, & Luna recepta à domino secundæ
domus, natus erit diues, in alto gradu, & multi ditabuntur per eum. Si pars fortunæ
contrarias condiciones habuerit, existens sub radijs Solis &c. natus erit laboriosus,
angustæ uitæ, uiuet plurimum ex suffragio aliorum. Si hæc pars fuerit in domo sub-
stantiæ, infortunis non aspicientibus eam, & dominus domus eius eam de bono
aspexerit ex fortunato loco, libero ab infortunis, natus erit diues, & abundans sine
labore. Et si dominus domus suæ eam nō aspexerit, sed luminaria eam, & dominum
eius aspexerint, sine aspectu infortunarum, erit fortunatus, & bonæ uitæ, congrega-
bit à rege diuitias, ac ab altis, & nobilibus habentibus dominium. Et si neq; domi-
nus domus eius, nec aliquod luminare eam aspexerit, erit modicæ substantiæ, & de-
bilis uitæ, de labore corporis sui uiuet, Et si cum hoc fuerit sub radijs Solis in aspe-
ctu infortunarum, uiuet ex eleēmosyna, & in ea habenda molestiam patietur.

Pars hæc in nona salua, facit hominem iustum, & religiosum, non curantem
mundana.

Pars fortunæ in termino fortunæ in aspectu domini eius de bono & fortuna-
to loco, si infortunæ non aspiciunt eam, nec dominum eius natus, per uiles modos,
& in rebus uilibus lucrabitur, & lucrum bene custodiet. Si pars hæc fuerit in una
quarta, & dominus eius in altera, habebit fortunam à multis partibus. Si hæc pars
& dominus eius aut alter eorum fuerit in quarta domo, natus habebit prosperita-
tem in thesauris, aut custodiendo thesauros. Generaliter hæc pars fortunata, aut do-
minus eius, significat fortunam ex rebus per domum significatis in quam cadit, aut
per dominum signi in quo est. Si enim in domo Saturni fuerit, per hæreditatem, &
agriculturam. Si fuerit pars hæc salua extra radios Solis, & dominus eius similiter
natus erit sanus, & bonæ nutritionis. Si infortunata sub radijs, miser, cum mala nu-
tritione. Si dominus partis fuerit infortunatus sub radijs, multas anxietates habebit,
& peius in ascendente fuerit. Pars hæc cadens ab ascendente, si non aspicit lumi-
nare temporis, & dominus eius fuerit debilis, infortunatus, ac remotus ab angulis
non aspiciens partem, & si dominus domus substantiæ fuerit ab infortunis damna-
tus, uel à radijs Solis, significat quod erit pauper, nec lucrari poterit uictum com-
pletè, forte uiuet de eleēmosynis. Pars hæc potens, fortunata in bono loco, si aspe-
xerint eam domini triplicitatum suarum, de bonis & fortibus locis, natus erit lu-
crator substantiæ, diues, & potens. Et si aliqua infortunarum de quadrato, uel opa-
posito eam aspexerit diuersificabitur eius status, habebit uno tempore indigentiam,
altero abundantiam.

Pars hæc, & Almuten ascendentis, in una quarta,
significans